

Powšitkowne WOZJEWJENJA

Hody 2010

Hodownej koncertaj w Radworju

Swój tradicionelny hodowny koncert wuhotuje chór Meja štwórtk, 30. decembra, dwójce w Radworskim hosćencu „Meja“. Młodzi instrumentalisća program pod hesłom „Zymske džěła a wjesela“ po zwučenym wašnju sobu wuhotuja. Prěni koncert w swětle swěčkow budže w 15.30 hodź. Swaćina so poskići. Dalši koncert wuhotuje so w 19 hodź. Přizamknu so reje.

Hodowny koncert w Chróścicach

Tradicionelny hodowny koncert Chróścanskeho cyrkwinskeho chóra wotměje so njedzelu, 2. januara, w 14 hodź. w tamnišej wosadneje cyrkwi. Wěnowany je wón 30. róčnicy wozrodźenja tutoho spěwneho cyłka. W srjedžišću steji Arnolda Melchiora Brukhorstowe „Hodowne poselstwo“. Dale zaklinči mjez druhim Johanna Sebastiana Bachowa kantata „Chwała, sława“. Koncert, na kotrymž tež instrumentalisća a solisća z Drježdžan sobuskutkuja, nawjeduje Bernadet Hencyna. Serbske teksty spěwow su z pjera zaslužbneho fararja Měrcina Salowskeho, kotryž je lětsa w aprylu zemrěl. Wšitcy zajimcy su wutrobnje do Chróścic přeprošeni.

Hodowny nyšpor z chórom Lipa w Róžeńce

Chór Lipa přeprošuje wšitkich zbliska a zdaloka njedzelu, 2. januara, na swój tradicionelny hodowny nyšpor do putniskeje cyrkwy w Róžeńce. Nyšpor ze serbskimi hodownymi spěwami započina so w 17 hodź.

Meditaciski koncert silwester w Baćonju

Na meditaciskim koncerće pjatk, 31. decembra, w 19 hodź. zaklinča po hižo zwučenym wašnju klasiske a moderne twórby. Uwe Macka zahraje na trompeće a Jurij Hejduška na bubonje, spěwač budže Marija Maccyna a přewod na piščelach přewozmje Marko Njek. Baćońska wosada wšitkich wutrobnje přeprošuje.

Dny w Schmiedebergu

Kubłanske dny serbskeje młodžiny su wot pjatka do njedzele, 7. do 9. januara 2011, w Schmiedebergu. Přizjewjenja přijimuju so hač do štwórtka, 30. decembra, w dekanatnym dušepastyrstwe we Worklecach, telefonowe čisło (03 57 96) 9 55 95.

Zetkanje samostejacych

Samostejacy ze serbskich wosadow su na zetkanje póndzelu, 10. januara, w 14 hodź. do Domu biskopa Bena w Smochćicach přeprošeni. Z tym so wupadnjene zarjadowanje w decembru nachwata. Zajimcy njech so hač do wutory, 4. januara, w redakciji Katolskeho Posoła přizjewja, telefonowe čisło (0 35 91) 55 02 12. Štóz chce wotewzaty być, njech to prošu zdžěli.

Koparski turněr wo pokal TCM

Towarstwo Cyrila a Metoda z.t. (TCM) zarjadowuje sobotu, 15. januara, w 13 hodź. w Chróścanskej „Jednoće“ halowy koparski turněr wo pokal TCM. Po tym zo su so něšto lět aktiwne koparske mustwa wo pokal wubědźowali, su tónraz wosadne mustwa młodžiny přeprošene. Kóžde mustwo měło z wosom hrajerjemi nastupić. Hrač budže so stajnje 3+1, to rěka z třomi koparjemi a jednym wrotarjom. Přizjewić měli so wosadne mustwa hač do pjatka, 31. decembra, pola předsydy TCM, Jurja Špitanka, telefonowe čisło (03 57 96) 9 63 47.

Kubłanske dny za šulerjow 7. a 8. lětnika

Pod hesłom „Žiwjenje je krasne – wo lubosći a druhich wěcach“ přeprošuje dekanatne dušepastyrstwo šulerki a šulerjow 7. a 8. lětnika wot pjatka, 14. januara, we 18 hodź. do soboty, 15. januara, w 16 hodź. do Don Boskoweho domu we Worklecach. Zajimcy njech so prošu hač do pjatka, 7. januara 2011, pod telefonowym čislom (03 57 96) 8 87 07 we Worklecach přizjewja.

Swětowe zetkanje młodžiny w Španiskej

Młodostni, kotřiž chcedža so na swětowym zetkanju młodžiny w Madridže wot 10. do 23. awgusta 2011 wobdźelić, móža so wotnětka w zarjedže biskopstwoweho dušepastyrstwa młodžiny w Drježdźanach přizjewić, pak telefonisce pod čislom (03 51) 3 36 47 17 abo z e-mail na jugendseelsorge@ordinariat-dresden.de. Jězba płaci 499,00 eurow. Štóž so hač do 15. januara přizjewi, trjeba jenož 470,00 eurow płacić.